

A FRITTEDDA

Dedicata a me cuscinu Pippinu Mazzara
(Frittedda consumata il 10 maggio 2014)



Ogni annu tiempî-favi, sparici e liaredda,
ca scusa ri favuzzi e a frittedda,
n campagna ri Pippinu, me cuscinu,
mi calu, comu mai, anticchia i vinu.

“L’amici pi-ccasu” c’eranu, quasi tutti;
e l’auṭri amici ri vecchia compagnia
ca panza e senza panza luonghi e curti
e qualcunu, nna jurnata, ia e-vvinia.

Ri ḍḍi vajani cugghiuti e scrucchiuliati
me cuscinu nni sfilau na cartedda
e duoppu che scorci fuorî-ttati
mittiu a cucinari a pitanzedda.

Ci-ammisca i sapuri ra campagna
e i culura ri la primavera
e quannu nto sucu u pani si cci abbagna
nna ucca senti u pararisu e a sciurera.



Cu javi i sordi si mancia u caviali
e a panza etta vuci e vacanti resta;
cu sordi nn’havi picca ma javi u sali
Nu gran piattî-favi pa panza è festa.

A frittedda è frittedda puntu e basta. !
Na rota ri susizza cotta nun fà dannu
ma miegghiu i favi puru u juornî-festa
Piccatu c’aspittari n’auṭru annu.

Lucio Vranca